



**JUDICIAL SYSTEM MONITORING PROGRAMME**  
**PROGRAMA MONITORIZASAUN SISTEMA JUDISIÁL**

## **Komunikadu Imprensa**

**30 Janeiru 2013**

### **JSMP kongratula nomeasaun Parlamentu ba membru Konsellu Superior Majistratura Judisiál foun**

Parlamentu Nasionál iha loron 28 fulan Janeiru 2013, hala'ó votasaun hodi nomeia kandidatu na'in rua ba membru Konsellu Superior Majistratura Judisiál (KSMJ). Kandidatu nain rua ne'e mak José Manuel Gomes Guterres nu'udar membru efetivu no Juisa Tribunál Distritál Dili Dra. Edite Palmira dos Reis nu'udar membru suplente. Votasaun ba lista úniku ne'e pasa ho votus afavór 50, absteinsaun 7 no kontra 4.

JSMP kongratulu ba nomeasaun ne'e tanbá Konsellu Superior Majistratura Judisiál, hanesan órgaun jestaun no dixiplinar ida ba majistradu judisiál sira-nian, ne'ebé iha kompeténsia bo'ot atu foti, hatún, muda no promove kareira profesional ba juiz sira nian.

*JSMP espera katak ho membru na'in rua foun husi parte judisiáriu nian bele servisu hamutuk ho membru sira seluk hodi kontrola no hadia di'ak liutan qualidade, produtividade no nesesidade servisu juis sira nian”* dehan Diretór JSMP, Luis de Oliveira Sampaio.

Alende votasaun ba membru KSMJ, Parlamentu hala'ó mós votasaun ba rezolusaun númeru 6/III (1<sup>a</sup>) kona-ba rekoñesimentu Estadu Timor-Leste hodi apoiu no fó importânsia ba intervensaun Organizasaun Nasoens Unidas iha Guiné-Bissau.

Rezolusaun ida ne'e halo hodi hatudu orgullu Timor-Leste nian tanbá delegasaun ba Guiné-Bissau ne'e sidadaun Timor-Leste eis Prezidênte da República, Dr. José Manuel Ramos Horta.

Atu hetan informasaun kle'an liu tan favor kontaktu:

Luis de Oliveira Sampaio  
Executive Director of JSMP  
Email: [luis@jsmp.minihub.org](mailto:luis@jsmp.minihub.org)  
Landline: 3323883 / 77810637  
[www.jsmp.tl](http://www.jsmp.tl)